



Pou Biblikasyon Imedya: 29/04/2022

GOUVÈNÈ KATHY HOCHUL

## GOUVÈNÈ HOCHUL ANONSE PRIM 7.2 MILYON DOLA FEDERAL POU RANFÒSE SANT APÈL POU KRIZ YO

*Finansman pral ogmante 95 milyon dola nan Bidjè Eta a pandan dezan k ap vini yo pou aplike Liy Dirèk 988 pou kriz la*

Gouvènè Kathy Hochul te anonse jodi a ke Eta New York resevwa 7.2 milyon dola nan men Administrasyon Sèvis Abi Sibstans Ak Sante Mantal (Substance Abuse and Mental Health Services Administration, SAMHSA) Depatman Sante ak Sèvis Sosyal (Health and Human Services, HHS) Etazini an pou ede ranfòse sèvis sant apèl pou kriz yo an preparasyon pou tranzisyon 16 jiyè 2022 a, nan Liy Sekou pou Prevansyon Swuisid Nasyonal (National Suicide Prevention Lifeline) nan nimewo 988 apati nimewo 1-800-273-8255 aktyèl la.

"Tranzisyon nan 988 bay Eta New York yon opòtinite inik pou ranfòse sistèm respons pou kriz sante konpòtmantal li a epi ogmante kapasite li pou satisfè bezwen Nouyòkè yo", **Gouvènè Hochul te deklare**. "Twò souvan, moun ki fè eksperyans ak yon kriz sante mantal oswa ki considere swisid yo santi yo kòmsi yo pa gen okenn moun pou yo ale jwenn, men Liy Sekou pou Prevansyon Swuisid Nasyonal la bay espwa ak èd. Entwodwi nimewo twa chif ki fasil pou sonje sa a pral enpòtan tou pou ede plis moun jwenn aksè ak sèvis ak sipò pandan n ap kontinye atake kriz sante konpòtmantal yo."

Prim Eta New York la fè pati prèske 105 milyon dola nan sibvansyon Plan Sekou Ameriken (American Rescue Plan) an bay 54 eta ak teritwa sou plan nasyonal. Eta New York pral sèvi ak lajan yo pou amelyore to respons yo, pou asire apèl ki soti nan eta a yo voye yo nan sant kontak pou kriz rejyonal yo an premye. Yo ka sèvi ak lajan yo tou pou konstwi mendèv ki nesesè pou amelyore respons tèks ak tchat lokal yo.

**Doktè Ann Sullivan, ki se Komisè Biwo Sante Mantal (Office of Mental Health) Eta New York la, te deklare**, "Liy Sekou 988 la pral pèmèt nou entegre anpil founisè swen lokal pou kriz yo nan tout eta a yon fason pi efikas. Kolaborasyon sa a pral ofri moun ki nan kriz yo plis opsyon pou jwenn èd yo bezwen an. Li pral ede Eta New York ak lokalite li yo kowòdone respons yo nan sitiayson kriz epi devlope chemen ki nesesè pou jwenn aksè fasil ak sèvis yo."

**Komisè Biwo Eta New York pou Sèvis ak Sipò pou Adiksyon an, Chinazo Cunningham, te deklare**, "Dirije moun ki gen yon pwoblèm itilizasyon sibstans oswa yon kriz sante mantal nan direksyon èd ki apwopriye a pi vit jan sa posib se yon etap enpòtan pou ede yo jwenn aksè ak sèvis ak sipò pou sove lavi yo. Finansman sa a pou ede ranfòse sèvis sant apèl yo pral rann li pi fasil pou moun jwenn èd toupre yo chak fwa yo bezwen, epi li pral ranfòse inisyativ enpòtan sa a pou sipòte sante tout Nouyòkè yo lè li etabli liy dirèk pou kriz sa a"

**Komisè Pwovizwa nan Biwo pou Moun Ki Gen Andikap Devlopmantal (Office for People with Developmental Disabilities, OPWDD) nan Eta New York, Kerri E. Neifeld, te deklare**, "OPWDD kontan pou opòtinite pou kolaborasyon sant apèl 988 pou kriz yo pral bay pou ede moun ki gen andikap devlopmantal yo. Bay sipò ijans nan moman kriz ka ede estabilize yon moun, bay sipò imedya pou sipò kritik yo pandan y ap evite vizit nan sal ijans ki pa nesesè oswa patisipasyon fòs lòd yo epi pèmèt moun yo rete lakay yo san danje."

**Senatè Eta a, Samra Brouk te deklare**, "Ane pase a, pandan mwen t ap travay pou m adopte pwojè lwa mwen an pou etabli liy 988 la nan Eta New York, mwen te vin klè anpil ke sèvis sa a nesesè kounye a plis pase anvan. Kounye a ke nou te byen adopte lejislasyon mwen an ki otorize kreyasyon yon liy dirèk 9-8-8 nan Eta New York, sibvansyon miltimilyon dola sa a ki soti nan SAMHSA se yon nesesite pou asire ke eta a ekipe pou tranzisyone pou itilize liy lan pita nan ane sa a. Aksesib atravè apèl oswa tèks, liy sa a pral san dout sove lavi anpil Nouyòkè lè yo ba yo yon resous lè yo nan bezwen. Mwen pa ka tann pou mwen lanse liy sa a pita nan ane sa a, epi rete fèm nan angajman mwen pou transfòme sante mantal nan Eta New York."

**Aileen Gunther, ki se yon Manm Asanble, te deklare**, "Mwen vle remèsyé patnè federal nou yo pou travay yo fè nan sekirize finansman sa a. Nouvo nimewo 988 la pa te kapab vini nan yon pi bon moman pou Eta New York. Nou wè moun ki soti nan tout domèn k ap lite ak maladi mantal, epi sant apèl nou yo bezwen gen resous pou yo atake kriz sa a dirèkteman."

Prim sa a vini apre pasaj Bidjè Eta New York la, atravè li menm ke Gouvènè Hochul te sekirize 35 milyon dola pou ane fiskal 2022-23 pou ogmante kapasite sant apèl yo nan tout Eta New York yon fason sinifikatif. Sipò sa a pral ogmante a \$60 milyon sou yon baz konplè chak ane. Resous sa yo enpòtan anpil pou byen sipòte sant apèl 988 yo atravè eta a.

OMH te atribye tou finansman 10 milyon dola yon sèl fwa nan resous Sibvansyon Global Sèvis Sante Mantal Kominotè siplemantè pou pèmèt demaraj sant apèl yo nan ane aktyèl la pou konstwi kapasite ak enfrastrikti nan tout eta a nan anbochaj ak fòmasyon anplwaye yo, ki ranfòse rezo sant backup yo, elaji disponiblite sèvis tchat/tèks yo, epi asire bon koneksyon ak sèvis kominotè yo.

Kongrè Etazini an nan ane 2020 te deziyen nouvo kòd 988 pou bay aksè pi fasil ak sèvis kriz yo. Dapre Sant pou Kontwòl ak Prevansyon Maladi a (Centers for Disease

Control and Prevention) Etazini an, Etazini te gen yon lanmò pa swisid chak 11 minit an 2020. Swisid te dezyèm kòz prensipal lanmò pou laj 10 a 14 ane ak 25 a 34 ane. Ankèt Nasyonal sou Itilizasyon Dwòg ak Sante SAMHSA te fè an 2020 montre 4.9 pouzan adilt ki gen 18 an oswa plis te gen panse swisid sevè, 1.3 pouzan te fè yon plan swisid, ak 0.5 pouzan te tante swiside nan ane ki sot pase a. Pami adolesan 12 a 17 ane yo, 12 pouzan te gen panse swisid sevè, 5.3 pouzan te fè yon plan swisid, ak 2.5 pouzan te tante swiside nan ane ki sot pase a. Konklizyon yo varye selon ras ak etnisite, ak moun ki gen etnisite miks ke yo rapòte pi gwo to nan panse swisid sevè.

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418

[ANILE ENSKRIPSYON OU](#)